

永樂大典

八

卷七千三百七十

永樂大典卷之七千三百七十八

十八陽

喪 喪禮三十八

安恭皇后中興禮書發哀 乾道三年六月二十五日禮部太常寺言准尚書省劄子今月二十五日皇后上儀奉聖旨應于合行典禮今禮部太常寺討論中尚書省今討論下項 一檢照孝明皇后典故皇帝初發哀服白羅衫黑銀帶乞令文思院製造赴御樂院送納 一檢照章穆皇后故事遷座于萬安宮宰臣王旦等見帝于萬安殿之別次奉慰是日輔臣節度使兩省五品尚書省四品諸司三品以上並入臨於萬安宮庭文武百官諸軍將校內諸司使副以上並臨於宮門之外乞從御史臺等處告集文武百僚赴別殿門外立班發哀內諸軍將校依禮例於本營發哀 一檢照懿節皇后上儀禮例臨安府見在寄居待闕官不該赴別廟立班文武百官乞依禮例並赴臨安府公廳發哀 一檢照懿節皇后上儀典故發哀日時前皇帝自內服常服至御幄俟時將至皇帝就幄易皂幘頭白羅衫黑銀帶百僚就華次去金玉飾服皂月帶次百僚入詣別殿下並

永樂大典卷之三十七十八

北向立定俟時至皇帝就幄內舉哭百僚就位皆舉哭畢退皇帝服皂幘頭白羅衫黑銀帶還內欲乞依上件禮例 一發哀時太史局選定宜用今月二十五日坤時 一檢照懿節皇后上儀禮例合聲鐘五萬杵欲乞令臨安府東外諸寺院自六月二十五日為始共聲鐘五萬杵 一檢照懿節皇后禮例依故事百司行移欲並稱大行皇后詔依 同日又言皇后上儀所有皇太子親王發哀之服今欲比做禮例於百僚發哀時前入詣本殿服皂幘頭白羅衫黑角帶發哀其幘頭衫帶並乞令文思院製造詔依 同日詔差賈玘充都大主管官七月一日禮部太常寺言大行皇后上儀依禮例合奏告天地宗廟社稷天慶觀報恩光孝觀太一宮諸陵損官所有合排辦事件依自來奏告禮例排辦據太史局選用七月四日已亥依例分作兩日行禮其奏告官天地社稷官觀乞差侍從宗廟諸陵損官乞差南班宗室詔依 入臨 乾道三年六月二十五日禮部太常寺言今來皇后上儀檢照章穆皇后典故按孝明皇后故事皇帝未成服群臣日赴萬安宮一臨今欲乞依禮例皇帝未成服文武百僚赴別廟日一臨詔依 同日又言今來皇后上儀文武百僚赴別殿入臨合用香五合乞令入內侍省請降付本殿其香案香爐炭火是合等並乞令都大

主管所下諸司排辦詔依 二十六日禮部太常寺言皇后上僊。今檢照
懿節皇后上僊禮例六月二十八日文武百僚赴赴別廟入臨。緣同日係
欽慈皇后忌辰行香日。分委有相妨。今欲乞除皇太子親王赴臨。立班外
其文武百僚止。越赴景靈宮行香。免赴入臨詔依 入臨儀 其日文武
百僚服常服守和寧門入赴皇城門。暮次去金玉飾。易黑帶。以俟皇太子
親王詣殿下。兩拜訖。引皇太子升殿。詣香案前。三上香。退後位。舉哭十五
音。兩拜訖。退。次御史臺。閣門太常寺分引。率執文武百僚詣殿下。立班定
揖。躬兩拜訖。禮直官引班首升殿。詣香案前。三上香。訖。退後位。舉哭十五
音。兩拜訖。退。歸幕次。易吉帶。退。內有職事相妨。免赴立班 不停祭 乾
道三年六月二十六日禮部太常寺言。皇后上僊。今檢照懿節皇后禮例
未附廟以前。所有宗廟祭及中小祀。特不停罷。今來皇后上僊。未附廟之
前。乞依禮例。祀祭特不停罷。詔依 禁樂 乾道三年六月二十六日禮
部太常寺言。今來皇后上僊。欲乞依懿節皇后禮例。除祭天地宗廟社稷
用雅樂外。其餘祀祭雅樂。欲乞備而不作。其行在樂。自舉哀後。權行禁止。
俟附廟畢。日舉用。及乞依禮例。指揮下日。令臨安府禁屠宰一日。詔依
同日。又言。今來皇后上僊。成服。欲乞依禮例。請州軍并所屬縣鎮。候指揮

永樂大典卷之三十一

二

到日。管內寺觀。修建道場。三晝夜。并禁樂三日。及禁屠宰一日。詔依 小
飲 乾道三年六月二十五日。皇后上僊。都大主管所奏。太史局選大行
皇后寄祥宮小飲。宜用六月二十六日壬辰。時宜用坤時。詔依 大飲
乾道三年六月二十六日。禮部太常寺言。據都大主管所申。太史局選大
行皇后祥宮大飲。破服立銘旌。宜用七月二日丁酉。收髮掛服立重。宜用
七月七日壬寅。竊緣自大飲至掛服。相去日分差遠。今檢照昨顯仁皇后
故事。係九月二十日上僊。二十三日大飲。破服立銘旌。收髮掛服立重。並
用當日。所有今來大行皇后大飲。破服立銘旌。掛服立重。欲乞依昨顯仁
皇后禮例。並用七月二日。所有時刻。乞下太史局選擇。詔依 太史局選到
大飲。破服立銘旌。時宜用其日。乙時掛服立重。宜用其日。丁時二十七
日。禮部太常寺言。今來大行皇后上僊。大飲。今檢照禮例。具事件下項。
一大飲時。前依禮例。都大主管官先行祭告禮。一合用祝文一首。連以
本行皇后大飲時。前遣官行祭告禮之意。乞下學士院修撰。一合用御
封降真香一合。乞下入內侍省請降。一供養茶酒果祭食。并香案香
爐。匙合炭火。燎草拜褥等。係諸司排辦。詔依 二十八日禮部太常寺言。
今來大行皇后上僊。大飲畢。欲乞皇太子皇子詣大行皇后殿下。再拜訖。

永樂大典

卷七三七八

皇太子升殿三上香跪奠茶酒降復位舉哭再拜訖退詔依 大欽儀
其日侯排辨訖大欽時前都大主管官詣香案前北向再拜訖播笏上香
再上香三上香跪執盞酌茶三奠酒執笏伏興少立俟剋擇官讀祝文
訖請再拜訖俟時大欽 成服 乾道三年六月二十五日禮部尚書周
執羔等劄子今來皇后上儀依典故文武百僚合服齊衰布頭冠白幘頭
大袖襖衫腰經依故事三省樞密院主事以上係主事以上有官人服孝
服餘不係并御史臺閣門太常寺引班祇應人各合服孝服今欲乞依上
件故事製造內引班無官人止服布幘頭大袖襖衫腰經並乞下臨安府
製造兼契勘見任職事官合製造孝服外所有寄居待闕文武官依例給
布一疋自行製造劄下臨安府依所乞事理施行 二十六日禮部尚書
周執羔等劄子今來皇后上儀檢照孝明皇后崩皇帝成服服齊衰布頭
冠幘頭大袖襖衫腰經桐杖皇太子亦衰服加布斜中帽首經綳襖服
所有今來皇帝皇太子皇子所服欲依上件典故其皇太子妃并皇子夫
人所服別無的確典故外今欲比附公主典故服布幘頭幘裙衫首經綳
襖服並乞下文思院製造內皇帝衣服赴御藥院送納及檢照懿節皇后
故事皇帝成服並服孝明皇后禮例製造續奉指揮不用桐杖欲乞依上

永樂大典卷七三七八

三

件禮例詔依 同日禮部太常寺言今來皇后上儀今檢照懿節皇后典
禮奉酌討論下項 一勅會行在諸軍將校已降指揮於本營發哀外所
有將未成服依禮例除統制統領官成服外其餘將副并部隊將管隊使
臣并散使臣陞朝官以上及將校副指揮使以上常服哭於本營廳事三
日而止其常日朝殿祇應排立行門禁衛班直將校副指揮使以上御前
忠佐百官赴臨去色衣臨於殿門外今欲乞依上件禮例施行 一勅會
外路駐劄諸軍去處依禮例合就所屯軍去處俟報到自副將而上成服
其餘部隊將至副指揮使以上並常服哭於本營廳事三日而止今欲乞
依上件禮例內沿邊州軍駐劄去處依禮例更不舉哀俟指揮下日令進
奏院關報詔依同日又言今條具下項 一依禮例諸路監司州軍縣鎮
長吏以下合服布四脚依性項直領襖衫上領不盤腰經以麻其所造水
服乞令所在州軍製造 一欲乞依禮例行在并諸路州軍縣鎮士庶於
本家素服三日而除婚嫁除服後不禁行在自水服日為始諸路州軍候
計吉到日為始一欲乞依禮例沿邊州軍縣鎮並不舉哀 一逐項事理
候今降指揮下日令進奏院遍牒界初士庶素服依禮例係去粗乞水服
止服淺淺素青皂頭中詔依同日又言今條具下項 一御前禁衛行門

班直親從快行親事軍官自皇帝成服後如遇朝殿等欲乞休禮例並服紫衫黃帶子頭帽至皇帝釋服了日休養一將未文武百官成服後有乘花繡轎者欲乞休禮例並易以皂轎至釋服日休養詔依二十七日晚並服素服終三年之喪若入皇城門權易墨裘由權開門入出所有逾七百日止合在家設位行禮其掛服日合於當日掛服時內於權開門外便服素服入赴立班所有合未大行皇后之弟夏執中欲乞休上件禮例詔依同日禮部尚書周執羔等劄子大行皇后上僊已檢照典禮畫降指揮皇太子皇子亦齊素服加布斜巾帽首經籍襯服致之禮記問喪篇有子不用杖之文為尊者避故也今欲依禮經更不用杖詔依同日禮部太常寺言檢照懿節皇后上僊禮例皇帝成服并釋服日及釋服後至祔廟前未大行皇后上僊欲乞休禮例皇帝成服并釋服日及釋服後至祔廟前遇朔望日皇帝不視事文武百僚於後殿門外進名奉慰詔依同日又言成服畢皇帝行祭奠之禮合檢照懿節皇后典禮條具下項一合用香案香爐匙合炭火湯瓶注碗盤盞托奠茶酒孟子鈔鐔盆臺燎草等并

永樂大典卷七千三百七十八

四

焚祝版燎草燈火並乞從都大主管所下諸司排辦一合用御禮施廡於別殿側隨地之宜并御座黃羅袍褥奏請紫褥乞下儀鸞司排辦一合用祝文一首述以皇帝為大行皇后成服訖行祭奠之禮乞下學士院修撰一合用御封降真香一合乞下入內內侍省取降一合差讀祝文官一負於史官內差一合差侍香并進茶酒捲簾奉祝版內侍乞下入內內侍省差一合差定時剋擇官二名乞於都大主管所剋擇官內差一名於殿內一名入殿門外百僚奉次前一成服日及至時如遇雨降洗淨乞令文武百僚止於別殿門外奉次俟時掛服訖隨地之宜權立止乞宰執及見今赴臨入殿立班官於殿門內外隨宜立班一合差前導太常卿一負贊引太常卿太常博士一負乞差太常寺少卿博士充一依禮例成服日百司作休務假一日詔依二十八日禮部太常寺言今未大行皇后上僊成服日皇帝行禮欲乞皇太子皇子詣殿下同百僚立班詔依二十九日禮部太常寺言所有其餘皇太子皇子至大行皇后宮中及注如家人之禮詔依同日又言成服畢欲乞至日俟文武百僚後殿門外進名奉慰訖次詣德壽宮殿門外進名奉慰光壽聖太上皇帝次移班稍東進名奉慰壽聖太上皇后詔依同日又言儀鸞司狀契勘所管

陳設係是日常應奉之物所有今未應干釘設所用陳設名色亦各下所屬討論指定若有改易名色候指揮下日報臨安府兩浙轉運司製造關借禮畢拘收奉聖旨依令禮官討論指定今討論指定除大行皇后殿陳設合用白素外所有殿側所設帷次用青素其餘陳設係是時暫即難改易詔依同日又言今請次討論合行典禮 一今未大行皇后上儀欲乞依懿節皇后禮例成服日百官服常服吉帶入皇城門内幕次服衰服立班訖就次易常服去金玉帶魚袋服黑帶進名奉慰訖出皇城門其第二第三日入臨准此唯不奉慰至釋服依舊 一昨顯仁皇后例文武官成服入臨并奉慰訖既出內門並服白頭巾素服白帶子所有今未文武官成服入臨并奉慰後在外所服欲乞依上件禮例至除服日依舊 一今未成服日三省樞密院等處無官人欲乞依懿節皇后禮例素服三日詔依 二十九日禮部太常寺言今具昨懿節皇后禮例參酌申請下項 一成服三日每日朝臨文武百僚並合詣別殿立班係於七月二日三日四日朝臨其行禮儀注即合依見今入臨儀注 一合用香三合乞今入內侍省請降付本殿其香案香爐炭火匙合等乞今都大主管所下請司排辦 一依禮例入內侍省并內侍省官所服孝服若隨從車駕至

永樂大典卷七三七八

五

几筵殿即合服著所有今未入內侍省官所服孝服欲乞依上件禮例若隨從車駕至大行皇后別殿即合服著詔依 同日禮部尚書周執羔等言今未光孝聖太上皇帝壽聖太上皇后舅姑為婦雖是服期檢照國朝會要典故即無該載止有為宗室大功以上親合舉哀成服凡發哀設次於後苑壬地前一日所司預於舉哀所設幕殿周以簾帷色用青素服素白羅衫皂幘頭黑銀腰帶行舉哀成服禮今未光孝聖太上皇帝欲乞比附上件禮例外壽聖太上皇后所服禮制今參酌會要典故合服碧羅帕頭被白羅寬袖衫淡黃縠子裙欲乞依上件禮例於七月二日成服時於德壽宮後苑壬地設幄為大行皇后舉哀成服之禮所有合造承服乞下文思院製造供進其儀範令太常寺檢會供報伏乞特賜教奉德壽宮取旨恭奉太上皇帝聖旨依禮官擬定 成服儀 其日時禮直官太常博士太常卿先詣幄前立俟皇帝自內服皂幘頭白羅衫黑銀帶綠鞋詣別殿側御幄即坐簾降俟時至禮直官太常博士引太常卿當幄前俛伏跪奏太常卿臣某言請皇帝為大行皇后上儀成服奏訖伏興太常卿太常博士禮直官並惟是易服訖於幄前立皇帝釋素服服期服 大行百僚亦別殿門外同時易服訖御史臺闕門太常寺報引文武百僚入詣

殿門內外隨宜立班定禮直官先引讀祝文官詣香案之西東向立俟皇帝服期服訖闕門報班齊在位官皆再拜訖薦燈禮直官太常博士太常卿前導皇帝出嚮詣香案前奏請上香再上香三上香內侍進茶酒又奏請酌茶三奠酒又奏請少立讀祝文官東向跪讀祝文訖奏請皇帝舉奠在位官皆舉奠俟哭止又奏請致欽不拜前導官前導皇帝在位官皆再拜俟皇帝歸嚮次文武百僚前導官退歸次換常服黑帶詣後殿門外進名奉慰訖退殿擯 乾道三年七月一日禮部太常寺言今未大行皇后上僊檢照章穆皇后懿節皇后禮例俟大欽訖合選日殿擯今未大行已定七月二日所有殿擯日時及祭土時并殿擯方位太史局選用七月七日壬寅祭土殿擯時並宜用當日丁時殿擯方位宜於本殿東南利方吉詔依 二日禮部太常寺言今未大行皇后梓宮殿擯今條具下項一依禮例殿擯日不視事群臣奉慰 一殿擯合用栢整籠帳及合用物色等欽乞依禮例今都大主管所下所屬排辦 一殿擯日百司作休務一日 一合用御封降真香二合祝文二首一首是以前未大行皇后殿擯時前導官行祭告之意一首是以前未大行皇后殿擯行燒香禮之意一合於大行皇后殿例設青素御嚮施薦設栢梅等合用香案器五等差

永樂大典卷七十三百六十八

六

前導讀祝文官侍香等內侍官等欽乞並依成服禮例 一合用祭告并行燒香禮供養食并茶酒果乞都大主管所行下諸司排辦 一殿擯時前祭告行禮官欽乞差都大主管官 一檢照顯仁皇后殿擯行禮日百官已釋服皇帝未釋服所有陪位立班官係用成服日臨於殿處立班官易衰服陪位其班于殿門外官不入陪位止令常服去飾以俟奉慰畢退令未大行皇后殿擯行禮陪位立班官并奉慰欽乞並依上件禮例內殿擯行禮陪位欽乞皇太子率執親王使相侍從兩着臺諫見任卿監郎官管軍知閣橫行御帶環衛官立班詔依 殿擯時前行祭禮儀 其日俟排辦足備引都大主管官常服黑帶詣大行皇后梓宮前北向再拜訖擗笏跪三上香奠茶三奠酒訖執笏俛伏與少立陰陽官讀祝文訖都大主管官再拜訖以俟太史局報時及引都大主管官監視殿擯 殿擯皇帝行禮儀 其日文武百官常服吉帶入皇城門幕次合赴殿處陪位官就次易衰服以俟陪位其班于殿門外官就次易常服黑帶以俟奉慰俟殿擗訖御史臺閣門太常寺分引行事陪位官入詣大行皇后殿擯殿下就位立班定讀祝文官於香案前立前導太常卿太常博士禮直官並於嚮嚮之前立皇帝服期服詣嚮即座闕門報班齊禮直官太常博士引太常

永樂大典

卷七三七八

御當殿前儀仗跪奏太常卿臣某言請皇帝為大行皇后殿橫行燒香之禮奏訖伏興退復位在位官皆再拜訖薦捲前導官導皇帝出帷詣大行皇后律宮香案前上香再上香三上香內侍進茶酒又奏請奠茶奠酒再奠酒三奠酒奏請少立讀祝文官東向跪讀祝文訖又奏請舉哭皇帝舉哭在位官皆舉哭俟哭止又奏請致欵不拜前導官前導皇帝在位官皆再拜皇帝歸帷薦降陪位前導官退歸幕次換常服黑帶以俟與侍班奉慰文武官並詣後殿門外進名奉慰訖次易吉帶退御殿乾道三年六月二十八日禮部太常寺言今奉大行皇后上儀檢照章穆皇后懿節皇后禮例群臣釋服後皇帝便殿視事權易忘日之服俟皇帝釋服後常服前殿視事今欲乞依上件禮例兼契勘見今係後殿坐亦乞依已降指揮施行詔依七月五日閣門言為大行皇后上儀皇帝釋服畢自今月九日後殿坐詔依閏七月四日禮部太常寺言閏七月三日至七日緣係在安恭皇后律宮落橫未發引之內并閏七月十八日卒哭并二十一日祔廟日依已降指揮前後殿不視事所有閏七月八日安恭皇后律宮發引掩棺畢其已後視事日分理合酌宜申請今欲乞除九日虞主回奉迎十日旬假十一日祔廟受誓戒十五日望日奉慰二十日祔廟前一日

永樂大典卷七三七八

七

致齋並前後殿不視事其餘日分並乞依先降指揮後殿坐內閏七月九日俟奉迎虞主畢作休務俟詔依按地乾道三年七月二日禮部太常寺言今檢照章穆皇后故事命內侍左班副都知閻承翰為園陵使行使入內副都知藍繼宗副之昨昭慈聖獻皇后橫官止差入內內侍省押班梁邦彥為按行使并顯仁皇后橫官按行使差吏部侍郎葉義問副使差入內內侍省都知衛茂實今奉大行皇后橫官按行使副合取朝廷指揮詔按行使差周執羔副使差賈瑛奉會七月二日詔以安陽軍節度使閻承翰同三司充為毒觀使居廣為總護使到部侍郎史正志為預選事禮部尚書周執羔為按行使賈瑛為按行副使故事園陵當差五使昭慈聖獻顯仁皇后橫官止差總護顯連二使又園陵按行使故事差內侍正副二員顯仁皇后橫官差侍從官馬使內侍副之使今皆是月之五日試禮部尚書周執羔入內內侍省押班賈瑛言已降聖旨橫官去處就安穆皇后橫官今奉本司前去相視欲乞依例恭詣安穆皇后橫官朝謁詔依十一月太常寺言按行使用執羔副使賈瑛奏臣等今月八日躬親將帶起擇官禮直官相視到橫官地段今取到逐人文狀奉聖旨令太常寺看詳中尚書省一太史局狀契勘今奉安穆皇后橫官殿宇門戶並

皆北向今相視得殿東地一段林木繁盛堪充大行皇后神穴即與園音
 并陰陽經書並無妨礙宋會要九日中書舍人原權直學士院洪遵言竊以
 國家多事費用百出凡所施為當所以制令大行皇后喪事一切引用願
 仁皇太后舊例畧以裁減為名總護使官屬至三十九人夫以十里之間
 一日之事內有都大主管治其日外有兩浙漕運供其費而所置條屬雖
 軍執出使開置軍府並未嘗有此數且用款甚為濫行便史正志為頃遠
 便其所差官比之前制十去其八三便一也或言成案於理未無據之事
 理總護一司官屬不宜過十人欲望特賜裁減仍自今有所陳請皆從朝
 廷審處具奏從之 一禮直官狀相視到大行皇后攢宮地既係在安穆
 皇后攢殿之右內圍牆之東安立大行皇后神園神穴即無妨礙契勘見
 今安穆皇后攢殿東內圍牆至東壁外圍牆禁地係三十丈其外圍牆乞
 更不增長所有大行皇后攢宮內圍牆乞隨宜修葺 一臣等契勘今未
 所按上件地段如太常寺看詳得其地委無妨礙伏望睿旨許臣等標割
 神穴神園 一太常寺勘會按視到地一段尋再取到太史局狀若降指
 揮許用上件地段候指揮下日本局指引於安穆皇后攢殿東一列標割
 神穴神園本寺今看詳即與典禮別無妨礙詔依 同日大行皇后攢宮

永樂大典卷之三十三

八

按行使司言相視到大行皇后神穴地段今有合申事件 一將來大行
 皇后神穴若降指揮許用今未相視到安穆皇后攢殿東地段合行條例
 擇日差官祭告安穆皇后畢應時差修奉人匠除去妨礙窠木圍牆屋宇
 等次行標割神穴 一合用御封降真香一合祝文一首一以鳥修奉大
 行皇后神穴神園除去妨礙窠木圍牆屋宇等祭告之意 一合差
 祭告官一員依禮例係從按行使司就差本司幹辦公事屬官文臣充所
 有今未按行使司幹辦公事屬官並不曾差置欲乞從按行使司標臨安
 府差職官一員充祭告官并太祝一員並前一日赴脩吉寺致齋至日行
 事 一祭告日時乞令剋擇官選定申按行使司行下所屬排辦 一供
 養牙盤食茶酒果等並乞下臨安府排辦 一奠茶酒盃子鈔鐺盆臺香
 爐匙合梳櫛茶酒盃等並乞令安穆皇后攢宮司排辦 一祭告并祭土
 破地吉日時刻宜用七月十八日丁時隨時除去窠木等標割神穴祭土
 破地時宜用其日辛時並宜於正北偏東祭位興工 一禮直官狀檢照
 昨顯仁皇后攢宮禮例祭土行禮已降指揮係令按行使或副使前去祭
 土行禮所有今未大行皇后攢宮祭土欲乞按行使行禮按行副使陪位
 詔依十六日按行使司言據禮直官狀今未大行皇后攢宮欲乞禮例候

修奉將畢。按行使副於發引前恭詣攢宮。按行塋域畢。回次。至大行皇后
梓宮發引日。再詣攢宮。俟掩攢奉辭畢。回。詔依。修奉攢宮。乾道三年
七月一日。禮部尚書周執羔等言。今來皇后上僊。所有將來攢宮去處。伏
乞朝廷。教奏取旨。詔就安穆皇后攢宮。二日。禮部尚書周執羔等言。今檢
照差修奉官典故。章穆皇后園陵。命入內副都知監維宗內殿崇班張繼
能。三陵都監康仁。遇高品闕。文度同監。修園陵步軍都虞候鄭誠。為都鈐
轄。孫正。詳副之。昭慈聖獻皇后攢宮。修奉總管差韓世忠。修奉都監楊公
弼。顯仁皇后攢宮。修奉總管差趙密。都監差王晉錫。承受差馮孝宗。候指
揮。詔修奉總管差郭振。都監差林肇。承受差劉慶祖。宋會要七月一日。臣僚
上言。臣竊見自大行皇后上僊。陛下首差內使。有押班曹汝為。都大主管
官。付以一切喪事。可謂簡而得其要矣。然臣竊見差班之次日。又置承
官一員。其次日。又置主管支費官二員。其次日。又置主管事務官一員。各
置司。開局。辟置官屬。無慮二十員。各支破請。給驛。乘。至於運料。銀。兩。日。給
食錢。下及吏卒。差次。而支。雖名比舊。三分減一。總而會之。已不可勝計。朕
乙併省。止。故。諸司。見。任。官。內。選。差。羔。願。以。先。添。破。請。受。之。費。痛。哉。更。卒。人
數。制。為。日。限。庶。免。亡。益。妄。費。從。之。二日。詔。以。主。管。侍。衛。步。軍。司。公。事。郭

永樂大典卷之三十三

振為修奉總管。入內內侍省押班林肇為都監。唐思殿祇候劉慶祖為承
受。故事。園陵。有。監。修。官。及。鈐。轄。都。副。至。昭。慈。聖。獻。皇。后。攢。宮。止。是。一。本
總管都監各一員。顯仁皇后攢宮。又有承受內臣一員。故今遵用之。四月
詔委差姜說。應辦大行皇后攢宮營造并錢糧。六日。禮部太常寺言。依
故事。修奉攢宮。合用十二神等係工部下文思院計會。太史局修置。詔依
七日。禮部太常寺言。准尚書省劄子。主管侍衛步軍司公事郭振。入內
內侍省押班林肇。狀。准。勅。差。大。行。皇。后。上。僊。修。奉。攢。宮。總。管。都。監。其。合。行
事件。欲。乞。奉。照。昨。修。奉。顯。肅。皇。后。顯。仁。皇。后。攢。宮。前。後。已。得。指。揮。今。未。修
奉。攢。宮。事。干。典。禮。合。用。上。下。官。制。度。等。乞。下。禮。部。太。常。寺。討。論。降。下。圖。本
修。奉。奉。聖。旨。依。令。討。論。欲。令。修。奉。官。司。奉。酌。比。附。安。穆。皇。后。攢。宮。體。式。隨
宜。修。奉。所。有。神。御。下。官。依。禮。例。係。就。安。穆。皇。后。攢。宮。下。官。殿。內。一。就。安。奉。
亦。乞。令。修。奉。官。司。隨。宜。添。修。詔。依。同日。詔。差。周。淙。同。姜。說。應。辦。大。行。皇
后。攢。宮。營。造。并。錢。糧。十二日。禮部太常寺言。准尚書省劄子。大行皇后
攢宮。修奉使司狀。契勘大行皇后攢宮修奉。應合用竹木磚瓦。灰石等物
料。已。令。漕。臣。應。副。今。未。合。先。次。下。手。祈。事。磚。瓦。石。段。等。工。役。伏。乞。朝。廷。下
有。司。討。論。指。定。下。手。興。工。并。破。土。日。分。及。祭。告。禮。例。降。下。以。憑。遵。守。奉。聖

有今禮部太常寺討論申尚書省。今具下項。一。下手所事碑瓦石段等工役興工日分欲乞令修奉使司下太史局選定俟香祝降到安穆皇后禮官於所選興工日五更祭告。其破土日分係接行便已行選定。一。今未備官興工緣俯近安穆皇后禮官依禮例合行祭告。令用御封降真香一合。祝文一首。送以修奉大行皇后禮官下手所事興工之意。及合用牙盤食茶酒果等。并差祭告官太祝各一員。並依接行使司體例。關報所屬排辦差官。詔依。二十二日。禮部太常寺言准都省批下檢察宮陵所中乞立大行皇后禮官司名事。批送禮部指定。申尚書省。今指定欲得安穆皇后安恭皇后禮官司名為名。詔依。閏七月一日。禮部太常寺言准都省批送下安恭皇后禮官。總護使居廣中契勘舊例。禮官修奉一切畢工。總護使定日前往檢視。緣當未係在紹興府。今未安恭皇后禮官止在臨安府。將來畢工。竊恐朝廷前去檢視。未審居廣更合與不合。依舊例前去檢視。批送禮部太常寺看詳。申尚書省看詳。今未安恭皇后禮官將來畢工。欲乞依例令總護使前去檢視。詔依。議。乾道三年七月一日。禮部太常寺言。國朝園陵故事。尚書省集官擬議。係用侍從臺諫以上。并禮官集議。六曹郎官以上書議。今未大行皇后集議。欲依上件故事。伏乞

永樂大典卷七十三頁六

十

朝廷取旨降下集議日分太史局選到七月七日壬寅。二十一日丙辰。詔用七月七日。同日又言。檢照孝明孝惠皇太后典故。俟百官議定。謹號。制下之後。行冊之前。止命官告太廟。告訖上於靈座。今未大行皇后。謹號。乞依上件典故。俟集官議定。謹號。初下後奉冊之前。遣官奏告太廟別廟。訖奉謚冊。實上於靈座。詔依。同日又言。今未大行皇后上僊。依禮例。合差撰議官一員。詔差王。癸。六日。禮部太常寺言。今未俟謚號。初下後奉冊之前。依安穆皇后禮例。遣官奏告太廟別廟。今具合行事件下項。一。奏告日辰。候初下日。乞令太史局選定。一。合用御封降真香。一十三合。祝文一十三首。並送以皇后夏氏謚號。初下奉冊前期。奏告之意。一。合用白帶一十三段。本長一丈八尺。熟白絹充。一。奏告每室各合用酒脯。康鷲茅蠟燭。上香木炭等。並乞令臨安府排辦。一。奏告官一員。依禮例。係差南班宗室充。一。光祿卿奉禮部太祝太官。各一員。乞令太常寺官充。詔依。十七日。禮部尚書周執羔等言。臣聞厚載承乾。備動靜有常之德。靈陰儼日。全著明莫大之功。惟君宅尊。立后作配。蓋五教天叙之典。而二南王化之基。以綱大倫。以熙內治。墳廬之鳩。翼夏之塗山。或未嫁于周京。或親迎于渭水。自家而刑國。振古而至今。是故。建位而按漢儀。生則冠長

永樂大典

卷七三七八

秋之號定名而致周禮沒則永世之芳揆厥所元誠百王不易之彝憲也恭惟大行皇后軒象鍾輝層沙儲慶出炳倪天之異蚤彰偃月之休淵觀其衷柔明而慧哲玉粹其度和懿而溫文自相宗藩肆煥宸極居守歲圖謹法度也動循環佩肅威儀也澣濯而服崇節儉也鷦鳴而起勤輔佐也弗適濯龍之遊而思賢之憂切弗素貫魚之序而逮下之仁均有警戒之道而屢省休戚無險詖之心而盡捐私謁至若靈承於九廟致養於兩宮銜統絃綰隆禮以奉宗祀之重總筭擗敬思媚以盡婦道之常以贊奉先之誠以助寧親之孝此徽德令範遐哉卓乎不可尚已芳齡未克淑命弗融黃屋與悲彤闈墮涕禱禱之不御詔典冊之可稽問諸外朝謀及卿士恭之大同怡將熙鴻號於無窮也謹按謚法曰莊敬盡禮曰安敬事專上曰恭大行皇后中正齊莊率履弗越茲不曰安乎雍怡祇順謹事匪懈茲不曰恭乎揚其盛之名表最高之行豈不慰神心而當與議哉伏請謚號曰安恭皇后謹議詔依 十九日給事中兼直學士院兼侍講王曠奏臣伏奉勅命差臣撰大行皇后謚號者臣謹上議曰歷選列辟之興必有內治之功四妃登于帝嚳二女釐于有虞塗山翼夏后之昌大妣配文王之聖於時謚行未及婦人中古以還禮文率具則有備物顯冊極位號於

永樂大典卷七三七八

七

生前禮典慈書致追崇於歿後有若安正順承以象坤元之至直方教義以昭地道之光乃知揚徽音表懿行受大名而惟稱節壹惠而可書垂百世以常存有兩言而可定恭惟大行皇后玉粹其度淵觀而東慶推渭渙之祥德載河洲之美日角偃凡則異表之茂龍星麗天則正位之符厥自榆翟撰儀教圭啓瑞金螭玉檢以焜耀於宮壺文織紈組以寅奉乎齊明無險詖私謁之心有警戒相成之道若其朕勤瘁藻率以禮也動中環佩冀以敬也桂棠無飾節以儉也貫魚有序施以恩也謹七篇之誠躬四行之先何其賢也玩聲詩之長得風雅之致何其文也方餐紫闈之奉俄罹白柰之詳想遺音而不聞悵陰儀之遂闕萬目痛新宮之飾皇心懷故劍之悲宜陳諫行之文以正易名之制謹按謚法莊敬盡禮曰安敬事專上曰恭今大行皇后防抑逸欲而內無出閫之言杜絕奢盈而權無私昵之授非莊敬盡禮乎勞心曲體以躬嬪則之柔秉禮含章以謹尊親之奉非敬事專上乎伏請上謚號曰安恭皇后詔依 奉謚冊寶 乾道三年七月四日禮部尚書周執羔等言今來皇后上僊今檢照禮例合行修製謚冊寶并沿冊寶法物今欲乞依禮例施行詔依 同日禮部太常寺言今來大行皇后奉謚冊寶依禮例合差撰謚冊文官一員書謚冊文官一員

纂謚實文官一員詔撰謚冊文官可差將書謚冊文官差陳俊卿兼纂謚實文官 九日禮部太常寺言將來奉大行皇后謚號冊實上於靈座前行禮今檢照懿節皇后禮例條具事件下項 一奉謚冊實日依禮例皇帝前後殿不視事是日百司作休務假一日 一奉謚冊實上于靈座前禮畢日依禮例文武百僚詣後殿門外進名奉慰 一依禮例合前二月奏告天地宗廟社稷宮觀 一奉謚冊實上于靈座前合用御封降其香一合所有太傅以下行事官并陪位文武百僚依禮例並服常服黑帶權去金玉飾立班行事 一靈座前合用香爐匙合等乞從都大主管所行下所屬排辦其合用供養食茶酒果乞從主管諸司排辦 一行禮畢其謚冊實并沿冊實法物依禮例於別殿安奉令本殿官交割收管至發引日降出交付禮部陳列 一修製謚冊實了畢擇日行奉謚冊實之禮 欲乞依例令文思院約度畢工月日申太常寺下太史局選定日辰報本寺申請 一依禮例專差內侍官二員掌管進呈謚冊實訖降出乞下入內內侍省差官乞令文思院於奉謚冊實上於靈座行禮前二日奉謚冊實計會所差內侍進呈訖於前一日降出詣祥曦殿門外交付禮部以俟從衛至謚冊實陞安奉至日行禮 一今來奉謚冊實上於靈座前合差

永樂大典卷七十三百六十八

上

都大主管官一員乞就差大行皇后喪事都大主管官一就主管施行 一依禮例奉謚冊實太傅以下行禮官都大主管官等並各於奉上前一日宿齋今欲乞前一日太傅自祥曦殿門外從冊實至嚮次退宿齋於都堂其餘行禮等官並宿齋於本司至日絕早赴別殿行禮 一合差請實官一員讀冊官一員乞差侍從官奉冊官二員奉實官二員差禮部太常寺官並前一日宿齋於本司詔依同日禮部太常寺言將來大行皇后奉謚冊實上于靈座合差太傅一員依禮例係差宰臣詔依 十七日禮部太常寺言奉謚冊實上于靈座前合用日辰太史局選用七月二十四日巳未時宜用其日巳時詔依 同日又言今來大行皇后謚號已降勅下欲乞應于行移等依禮例候奉上謚號冊實了日合稱安恭皇后其修製謚號冊實內實文欲乞以安恭皇后之實六字為文詔依 十八日禮部太常寺言七月二十四日奉大行皇后謚冊實上於靈座前依禮例前二日奏告天地宗廟社稷天慶觀報恩光孝觀太一宮各合差奏告官一員乞差侍從內宗廟差南班宗室詔依 二十一日大行皇后喪事都大主管所言擬太史局狀今月二十四日大行皇后奉謚冊實畢合換立安恭皇后銘旌時宜用其日丁時所不換下大行皇后銘旌宜於奉殿正南偏西丁

位歲空方焚燒詔依 謚冊文 維乾道三年歲次丁亥七月丙申朔二
十四日己未皇帝詔曰古我先王必立厥配釐爾女士爰御于邦治蓋自
於家齊風寔跡於近始茲本人倫之至式恢王化之基帝女于時乃降偶
鴻天作之合是嬪周京睠于內助之良媿彼前聞之懿方共資於淑範俄
永謝於徽音重翟副珈生既有以極其寵綈章恩罔浚則有以揚其休大
行皇后夏氏婉嫕而純明閑和而靖順卓爾挺操在河之洲穆然敷輝于
渭之涘蚤兆玉水之瑞合承金屋之華含章在中發秀于外粵從初載寔
相潛藩肆朕慕承嘉乃輔佐夙夜警戒而有相成之道朝夕思念而無私
謁之心推膠木逮下之仁樂關難進賢之義服濟濯而崇大練以純儉爲
民彛護珩璜而應和璧以肅雖爲嬪則造次動遵於圖史從容雅播於聲
詩鷄初鳴而至寢門同謹兩宮之間蠶於郊而供祭服每度九廟之承薦
榛栗於舅姑奉案臥於宗廟朕方上隆孝道親親而天下平爾能中叙壺
儀婦姆而家道正自建長秋之位甫臨再閏之期何駸隙於分陰頃沉光
於曉魄當厚飾終之典用撫悼往之懷訪厥攸司諏之列辟按柔芳於彤
管考茂實於椒塗大酌愈前共熙鴻號謂治內盡安行之德宜循由舊之
稱謂奉上竭恭事之誠宜表最高之行備陳顯數克播令猷謹遣太傅

永樂大典卷七十三百十八

三

左正奉大夫守尚書左僕射同中書門下平章事葉顯奉冊謚曰安恭
皇后伏惟哲靈如存休問不怠責于太史光于清拓於萬斯年與宋無極
嗚呼哀哉 奉謚冊寶吉於靈座儀 奉謚冊寶前一日其日奉謚冊寶
太傅讀冊寶官奉冊寶官並常服守和寧門入詣祥曦殿門外幕次太常
寺贊引人禮部職掌及後衛親從輦官等並於殿門外隨地排立以俟掌
管進呈謚冊寶內侍請降謚冊寶出祥曦殿以授禮部於殿門上權置定
次禮直官引太傅已下詣殿門下隨地立班再拜訖如儀兩班各退
權側身立俟有司奉迎後衛等進行太傅以下後從都大主管官往來照
管至謚冊寶權次禮部職掌捧謚冊寶詣權次權置定訖太傅退宿齋於
都堂其餘行禮官並宿齋於本司捧冊寶職掌後衛祗應人並於冊寶權
次之側宿衛 奉上謚冊寶日 其日太傅請冊寶官奉冊寶官並文武
百僚並常服吉帶守和寧門入詣幕次換黑帶內太傅讀冊寶官奉冊官
詣權安奉冊寶權次有司捧冊寶出權次太傅已下步從至權殿下稍西東
向褥位權置定冊北寶南太傅已下權退歸幕次俟有司排辦香火等畢
備御史臺閣門太常寺分引文武百僚詣權殿下及殿門外隨地之宜立
班定次禮直官引請冊寶官詣冊寶奉之後褥位東向立次引奉冊奉

寶官於讀冊讀寶官之後立次引太傅詣殿下西向立禮直官贊太傅躬拜在位官皆再拜訖次引太傅升殿詣大行皇后香案前播笏上香再上香三上香跪一酌茶三奠酒執笏俛伏興再拜訖降階復位少立次再引太傅詣殿下北向褥位俛伏跪奏稱太傅臣某言奉詔奉大行皇后謚冊寶奏畢俛伏興退復位次引舉冊官詣冊案播笏跪舉冊匣興已舉冊首皆禮部職掌如本職掌先捧冊案升詣殿上香案前置於褥位北向次舉冊官舉冊行次引太傅播笏捧冊升殿至褥位北向跪奠冊匣於案上太傅執笏與少退稍西褥位東向立次舉冊官執笏與少立次引讀冊官升殿詣冊案之後北向立舉冊官播笏跪舉冊次讀冊官播笏跪讀冊訖執笏與次引太傅及讀冊官俱降階復位立舉冊官奠於匣次舉冊匣興職掌先捧冊案於殿上稍東褥位置定舉冊官舉冊匣跪置於案上舉冊官執笏與降復位次引舉寶官播笏跪舉寶盃興職掌先捧寶案升詣殿上香案前置於褥位北向次舉寶官舉行次引太傅播笏捧寶升殿至褥位北向跪奠寶盃於案上太傅執笏與少退稍西褥位東向立次舉寶官執笏與少立次引讀寶官升殿詣寶案後北向立舉寶官播笏跪舉寶次讀寶官播笏跪讀寶訖執笏與次引太傅及讀寶官俱降復位立舉寶官

水樂大典卷七十三頁六

西

奠寶於盃興次舉寶盃興職掌先捧寶盃案於殿上稍東褥位置定舉寶官舉寶盃跪置於案上舉寶官執笏與降復位禮直官贊太傅躬拜在位官皆再拜訖並退時值兩或當濕立班官并冊寶及祇應人並隨立班升階歸幕次易吉帶詣後殿門外立班進名奉慰訖退 鼓吹警場挽歌 乾道三年七月九日禮部太常寺言將來大行皇后梓宮發引并前夕依禮例合用挽詞唱和執色挽歌并發引前夕沿路至櫛宮陵所並合排設警場鼓吹修撰詞典今檢照懿節皇后禮例申請下項 一合用挽詞係翰林學士中書舍人共撰二十首 一挽歌人數今比附用三十六人今乞勒挽歌節級踏逐會解唱和之人拘收赴寺教習 一挽歌合用服著青欄水油畫冠等并執色鈴鐸事件乞下文思院製造 一今來所撰挽詞才候降下依例合閱習一月至期呈披前夕唱和及發引前導引至櫛宮至掩櫛一切了畢放散 一依國朝故事靈駕發引合用導引六州十二時詞典今乞依例具腔譜甲學士院修撰降下教習 一警場合用金鈺十二人鼓角手各六十八逐色教頭五人管押人負三人部押使臣一負乞今殿前司就差金鼓鳴角并合用武嚴指揮教頭三人依例於太常寺覓管人內差撥 一鼓吹合用鼓吹令丞職掌府典史引樂官一十

永樂大典

卷七三七八

人內除見管令丞外。依例差太常寺人吏充攝歌色一十六人。軍樂五三十人。笛色三十人。簫色八人。大鼓一十六人。小鼓一十六人。節級一名。金鈺四人。共用一百二十一人。其所差鼓吹執色人。昨紹興十二年。係借差鈞容直。今乞依例於殿前馬步三司均差。會解樂藝識字之人充攝。事畢發遣。一所有警場鼓吹挽歌。欵乞定日。總護使領。遣使都大。主管其事。所等官并禮部太常寺官。按習係與鐘鼓院金吾街仗司。同日按習。乞於貢院詔休。挽詞。其一。上主周南化真同麟趾。詩未符柔順德。有助太平基。種桂當年美。禱榆此日悲。六宮思婦則遺訓。有餘師。其二。帝遣皇英女。未宿廣汭門。鈞陳元自近。天極有常尊。寶用稱文在。徽名古制敦。所嗟弓鞬祝。曾不報姜嫄。其三。未植長生木。先開白柰花。風流縹緲。斷渾龍車。蘭殿成陳迹。蓮臺有舊家。悠悠赤山道。煙月送悲笳。其四。淑德膺天眷。坤室啟殿闈。未聞留玉瑱。俄已掩金扉。禮意存椒壁。功勳見鞠衣。南山孤月在。澹澹不成輝。其五。儼極身方貴。乘雲質已儂。定從金母燕。不數月娥賢。彤管傳新史。清詩藹舊篇。宣知生是夢。惟有淚如川。其六。壁月循黃道。軒星映紫闈。六宮師儉節。八表詠音徽。翟裼前驅是。龍帷去路非。柏城無白日。揮淚掩容衣。其七。德配塗山氏。

永樂大典卷七三七八

五

人言夏后孫。二南風化盡。一旅典刑存。蘭殿秋聲早。椒房曉日昏。傷心五雲畔。悲憤攪乾坤。其八。漢漢乾坤大。寥寥族望雄。神護夏后氏。隱德漢黃公。貴女開邦媛。徽音嗣國風。若為天不弔。一旦玉繩空。其九。早預虞嬸降。親承代邸恩。潛龍見真玉。瑜翟儼天關。蘭殿音容盛。椒塗禮數尊。西風今夜月。思自照黃昏。其十。儉德光千載。仁聲浹四方。游龍戒車馬。吐鳳有文章。絺綌猶朝御。房櫳漫夕香。猶堪付彤管。綠筆寫遺芳。其十一。不見朝黃道。猶疑閨紫闈。坤儀方厚載。月魄竟淪輝。玉座悲歡異。金輿寂寞歸。梁間雙燕語。似說故時非。其十二。穰穰都門道。遺儀感路人。龍輅成永訣。鸞駕儼橫陳。西極倦游遠。南山吉兆新。蕭森柏城路。何日夜臺春。其十三。皇矣中天運。居然內治修。龍樓朝朔望。蘭館奉春秋。水殿人何在。雲耕靴莫留。西風湖上路。笳吹擁行轡。其十四。魚貫承恩日。鷄鳴問寢時。聖傳仍翰墨。能事更聲詩。共擬周南應。讎成楚些悲。昭文琴不鼓。邪息問成虧。其十五。玉勝題祥兆。曙水境至尊。柔儀高馬鄩。懿德邁姚姬。鸞掖空陳迹。寬軒即異恩。傷心踰七夕。素柰不勝繁。其十六。圖史懷規鑿。篇章妙剪裁。承顏記金屋。委化忽泉臺。幽塚湖山秀。清菴道路哀。玉繩秋既望。猶話翟車來。其十七。麟鬐南山路。空瞻

鳳翼紅蕓歌淒曉露。蘭殿係秋風。故劍思仍在中。瑞事已空。抵應彤史策。能為記陰功。其十八。時節家人禮從容。父子歡。母儀天下順。婦道四方觀。王冷承銷鳳。塵昏鏡掩。驚前春。勸蠶事無復。上桑壇。其十九。傲戚言猶在。尊榮事已非。秋高天雨泣。僊去月沈輝。椽筆空遐想。椒塗定不歸。可堪聞。卹典華。夏涕沾衣。其二十。儀天初作合。適日自同休。身有憂勤志。家無恩澤侯。月方沉。厚夜春不返。長秋典策。哀榮備。難好萬國愁。鼓吹。黃鍾羽。導引。金殿晚。愁結坤寧。天下母。忽僊昇雲山。浩浩歸何處。但聞空際。絲鸞聲。紫簫斷。後無蹤。跡煙靄。露夜澄。澄曉夢到瑤城。當時花木正冥冥。六州。娟娟月初未闌。忽沉西。桂枝殘。寒兔下。惟見露脚斜飛。六宮歌笑奉瑤墀。一朝寂寞掩。禕衣夜星不動。玉鸞嘶。沉沉何處。愁霧鎖金扉。群僊瞻道範。肅駕到蓬池。紫清逸。鸞飛電奔。馳又誰知。一世柔儀。椒塗玉鈿。金鳩贊聖主。膺天命。功勳魯佐。雍熙三天。隔玉闈。低迷五雲高。絳府參差往事。如今好。尋思留得香。殿錢管寫新詩。但看芳猷美。寶同傳。徽隆名。萬古昭垂。十二時。皇家景運合。無疆天子坐。明堂豐年多。黍四方爭報時。康酒常清。花易好。壽君王天公見。王女大笑。億千場不知。椒塗暗淡。瑤殿淒涼。寶鏡玉臺。光可奈。畫眉人去。脂澤散。餘芳極。

永樂大典卷七十三百七十八

去

日望滿湘波。遙草遠。只見殘陽。南山古阜。松栢茂。蔚蒼蒼。香靄宮商風過。金玉琳琅。導歌繁。嚴鼓近。慘悲傷。水凝愁。山橫恨。煙暗雲黃。神山河在。蟠桃已遠。若木何長。最難堪。四翼。雉逆驚。風音容。遠別殿。謾焚香。釋服。乾道三年六月二十六日。禮部太常寺言。今未皇后上僊。今參照顯恭皇后故事。皇帝成服七日。而釋。百官三日。而釋。諸道州府。計吉到日。長吏率文武官。舉哀成服三日。而除。今欲乞依上件典故。詔依。二十八日。禮部太常寺言。今檢照典故。下項。一。建隆二年六月二日。昭憲皇太后崩。太常禮院言。皇弟恭寧軍節度使。太宗弟。嘉州防禦使。光美。並服齊衰三年。准故事。合隨皇帝。以日易月之制。二十五日。釋服。二十七日。而禫。除畢。服吉服。心喪。終制。從之。一。景德元年三月十五日。明德皇后崩。太常禮院言。准昭憲皇太后禮例。宗室雍王。已下。禫除畢。吉服。心喪。終制。從之。一。今未大行皇后上僊。所有皇太子。皇子。今欲比附上件典故。二十五日。釋服。二十七日。而禫。除服。吉服。心喪。終制。詔依。七月一日。禮部太常寺言。今未大行皇后上僊。其七月八日。皇帝行釋服之禮。緣是日。皇太子。皇子。所服未除。今欲乞俟。將來皇太子。皇子。釋服。并禫。除日。詣大行皇后。拜宮殿前行。燒香之禮。詔依。二。日。禮部太常寺言。將來皇帝。為大行皇后。

釋服日依懿節皇后禮例詣几筵前行祭奠之禮今比附成服祭奠禮例
下項 一合用祝文一首上以爲大行皇后釋服行祭奠之意所有合用
御香香案器皿及設御幄相褥百官幕次差前導讀祝文官侍香捲簾內
侍官等並乞依成服禮例 一釋服日欲乞依禮例皇帝自內服期服詣
大行皇后橫殿御幄俟太常卿奏請訖權易忌日之服俟行禮畢歸幄易
吉服還內 一應行事執事陪位官赴大行皇后橫殿依禮例並合權易
黑帶去金上飾并魚袋俟禮畢仍舊吉帶 一行禮日依禮例文武百僚
陪位立班是日百司欲並作休務假一日 一昨懿節皇后上僊皇帝釋
服訖其期服於利方焚燒今未大行皇后上僊皇帝釋服訖其期服欲乞
依典故令太文局差剋擇官指利方焚燒并差監視燒燎官一負乞下
入內內侍者差合用柴草乞下諸司排辦詔依 釋服行禮儀 其日時
前禮直官太常博士太常卿先詣幄前立俟皇帝自內服期服詣大行皇
后橫殿側御幄即坐簾降次禮直官太常博士引太常卿當幄前俛伏跪
奏稱太常卿臣某言請皇帝爲大行皇后釋服行祭奠之禮奏訖伏興退
後位立俟皇帝釋期服易忌日之服訖御史臺閣門太常寺分引文武百
僚權易黑帶入詣殿門內外隨宜立班定俟禮直官先引讀祝文官詣大

永樂大典卷七十三頁六

七

行皇后橫殿前香案之西東向立閣門報班齊在位官皆再拜訖簾捲禮
直官太常博士太常卿前導皇帝出幄由殿階詣大行皇后几筵香案前
奏請上香再上香三上香內侍進茶酒又奏請酌茶奠酒再奠酒三奠酒
奏請少立讀祝文官播笏東向跪讀祝文訖執笏興退奏請皇帝舉哭在
位官皆舉哭俟哭止又奏請皇帝致欵不拜前導官前導皇帝在位官皆
再拜訖俟皇帝歸幄次文武百僚前導官退皇帝就幄易吉服還內次文
武百僚易吉帶詣後殿門外進名奉慰訖退 啓禮 乾道三年七月六
日禮部太常寺言將未大行皇后發引行啓禮啓奠祖奠遺奠之禮今檢
照典故申請下項 一乾德二年三月二十七日孝明皇后橫宮群臣服
初喪之服臨于庭二十八日神樞自滋德殿發引帝於明德門外素服設
幄行遺奠之禮 一至道元年十月二十一日太常禮院言十一日一
孝章皇后啓禮橫宮二十九日太常禮院言上自啓禮至遺奠遂祭儀注詔
啓禮宮啓禮祖遺四祭並遣監護使郭贊攝太尉祭 一景德四年五月
二十九日章穆皇后啓禮橫宮帝親臨酌奠六月八日發引帝素服行遺奠
之禮 一乾道皇后祥宮發引當時與顯肅皇后同時發引其日皇帝親
行啓奠祖奠遺奠之禮 一顯仁皇后祥宮啓禮總護使先行奏告禮畢

皇帝親行啓櫛祭奠之禮十六日靈駕發引皇帝親行啓奠祖奠遣奠之禮一檢照前項啓櫛等典禮並皆不同所有將來祥宮啓櫛日今秋奉照已行殿櫛禮例俟啓櫛時前令總護使先行祭告禮畢有司捧遷祥宮還殿安奉訖皇帝行啓櫛祭奠之禮其祭奠祖奠二祭欲乞令總護使行禮及俟祥宮發引皇帝行遣奠之禮詔依宋會要九日左右金吾街仗司官將來大行皇后發引履更儀場令差押官官一員職掌二人兵八十八人前期教習唱和警場從之十五日禮部太常寺官將來祥宮啓櫛訖皇帝行啓櫛燒香禮合行事件一啓櫛皇帝服素行燒香之禮群臣以初喪服自是日一臨至發引皆如之乞用昨發哀入臨官立班并發引前一日晝漏未盡三刻入臨合差定時剋擇官乞就差都大所剋擇官一啓櫛所有陪位立班官今奉照殿櫛禮例於殿庑立班官易初喪之服陪位其班于殿門外官更不入陪位止令常服黑帶以俟奉慰畢退及內庭諸色人只服本色服一依禮例自啓櫛前三日至柩廟並前殿不坐仍自啓櫛至發引前後殿不視事宰執除啓櫛日并發引前一日外餘日赴內殿奏事一依禮例啓櫛畢合行奉慰令乞俟啓櫛行禮畢文武百僚並詣後殿門外進名奉慰是日百司作休務假一日一令未合於櫛殿東庑

永樂大典卷之三十三

六

儀設青素帷并合用柩褥等乞下儀鸞司排辦一合用祝文一首乞以爲大行皇后啓櫛畢祥宮還殿皇帝行燒香禮之意乞下學士院修撰一合用御封降真香一合乞下入內侍省請降一供養食并茶酒果上香炭香爐匙合蠟燭燻草等乞令都大主管諸司排辦一合差請祝文官一員乞差文官前導太常卿一員贊引太常卿太常博士一員乞差太常寺官合差捲簾侍香并進茶酒捧祝版執燭內侍乞下入內侍省差詔休十六日禮部太常寺官將來祥宮啓櫛日時前令總護使先行祭告禮合比附合行事件下項一時前祭告行禮官依禮例就差總護使行禮一合用御封降真香一合祝文一首乞以爲大行皇后啓櫛時前祭告祥宮還殿之意一供養茶酒果祭食并香案香爐匙合上香炭火燻草拜褥等係諸司排辦一合差請祝文官一員乞差太常寺官詔休同日都大主管所言准尚書省劄子將來祥宮啓櫛日辰時刻太史局選用閏七月二日丁卯吉時用其日乙時於櫛所正南偏東丙位啓櫛詔休十八日禮部太常寺官開七月二日卯時八刻後啓櫛用百官陪位立班緣是日在大行太子靈柩出葬用成服立班官赴嘉會門外奉辭齋肅赴啓櫛立班不及據太史局申啓櫛時欲以用五日丁時詔休十七日禮部

永樂大典

卷七三七八

太常寺言將未拜官發引皇帝親行啓櫛并遺奠之禮其行遺奠禮皇帝所服素服係白羅軟脚幘頭白羅衫黑銀帶絲鞋見今文思院製造外所有皇帝親行啓櫛禮亦合服素服今欽乞止就用見製造素服行禮詔依
閏七月一日禮部太常寺言檢照章榜皇后典故啓櫛之日群臣素服入臨萬安宮皇帝以素服行遺奠禮迨至顯仁皇后啓櫛亦用已行故事今未安恭皇后啓櫛用前項禮例申請群臣自啓櫛至拜官發引前一日並用素服赴臨竊詳今未事體與前項微有不同所有禮例合隨宜參酌申請 一群臣已經釋服今未依前項典故服初喪之服入臨恐以上件服出入宮門有所未便今欽乞啓櫛行禮陪位立班臣僚盡令吉服入宮門幕次易常服黑帶立班及初八日群臣門外奉辭亦乞依今未所服常服黑帶其陪位立班官啓櫛行禮時臨乞餘日更不入臨所有素服乞令日下毀棄 一已降指揮啓櫛日皇帝用素服行禮緣今未陪位立班官乞以常服黑帶所有皇帝所服亦當參酌合宜欽乞是日皇帝服忌日之服黑鞋屨帶絲鞋 一所有發引前夕夜祭并啓奠祖奠遺奠行禮陪位官及會葬從拜官臣僚欲乞依已降指揮並服初喪之服至櫛宮掩櫛奉辭訖易常服退所有素服候禮畢即令毀棄詔依 啓櫛時前祭告儀

永樂大典卷七三七八

九

其日候排辦足備引總護使常服黑帶詣大行皇后拜官香案前北向再拜訖搢笏三上香三奠茶三奠酒訖執笏伏興少立讀祝文官東向跪讀祝文訖總護使再拜訖俱退 皇帝行啓櫛儀 其日文武百官常服吉帶入皇城門幕次合赴殿庭陪位官就次易初喪之服以俟陪位其班于殿門外官就次易常服黑帶以俟奉慰俟啓櫛訖御史臺閣門太常寺分引行事陪位官又詣櫛殿下就位立班定讀祝文官於香案之西東向立前導太常卿太常博士禮直官立於御陛之前皇帝自內服常服至陛次服素服白羅軟脚幘頭白羅衫黑銀帶絲鞋即座閣門報班齊禮直官太常博士引太常卿當陛前俯伏跪奏太常卿臣某言請皇帝為大行皇后啓櫛還殿行燒香之禮奏訖伏興退復位在位官皆再拜訖簾捲前導官導皇帝出陛詣拜官香案前上香再上香三上香內侍進茶酒又奏請奠茶奠酒再奠酒三奠酒奏請少立讀祝文官東向跪讀祝文訖又奏請奉哭皇帝奉哭在位官皆奉哭俟哭止又奏請致欽不拜前導皇帝在位官皆再拜皇帝歸帷簾降陪位前導官退歸幕次換常服黑帶以俟與侍班奉慰文武官並詣後殿門外進名奉慰訖並就次易吉帶退

永樂大典卷之七千三百七十八

永樂大典卷之七千三百七十八

千